



## ЎЗБЕКИСТОН РЕСПУБЛИКАСИ БОШ ДАВЛАТ ВЕТЕРИНАРИЯ ИНСПЕКТОРИНИНГ ҚАРОРИ

**Эпизоотик жиҳатдан осойишта бўлмаган давлатлардан давлат ветеринария хизмати назорати остидаги товарларни импорт қилишга вақтингча чеклов жорий этиш тўғрисида**

Бутунжаҳон ҳайвонлар соғлигини ҳимоя қилиш ташкилотининг (WOAH) маълумотларига кўра паррандаларнинг юқумли грипп касаллиги бўйича дунёда эпизоотик вазият мураккаблигича қолмоқда.

Ўзбекистон Республикасининг “Ветеринария тўғрисида”ги қонуни 2, 24-моддаларига ва Вазирлар Маҳкамасининг 2023 йил 10 апрелдаги 148-сон қарорига мувофиқ мамлакатимиз худудини четдан ҳайвонлар юқумли касалликлари кириб келишидан муҳофаза қилиш, озиқ-овқат маҳсулотлари хавфсизлигини таъминлаш мақсадида Ўзбекистон Республикаси Бош давлат ветеринария инспектори

### Қарор қиласи:

1. Жорий йилнинг 1 декабридан бошлаб, қушлар, паррандалар, парранда гўшти, термик ишловдан ўтмаган барча турдаги парранда маҳсулотлари, наслли инқубацион тухум ва бир кунлик жўжаларни куйидаги худудлардан олиб киришга вақтингча чеклов (халқаро транзит бундан мустасно) ўрнатилсин:

Венгрия давлатининг Чонград-Чанад, Бач-Кишкун, Медье Бекеш, Медье Хайду-Бихар, Медье Сабольч-Сатмар-Берег вилоятларидан;

АҚШнинг Миссури, Миннесота, Жанубий Дакота, Монтана штатларидан;

Руминия давлатининг Телеорман вилоятидан;

Швеция давлатининг Готланд, Сконе вилоятларидан;

Италия давлатининг Венето вилоятидан;

Нидерландия давлатининг Уtrecht ва шимолий Голландия вилоятларидан;

Австрия, Исландия, Норвегия, Латвия, Литва, Сербия, Дания ва Косово давлатларидан.

2. Ўзбекистон Республикаси Бош давлат ветеринария инспекторининг 2022 йил 30 майдаги 01/19-09-сон қарори иловасининг “чеклов ўрнатилган худуд номи” устуни 14.1.-бандидаги “мамлакат худуди” сўзлари “мамлакат худуди (Шаньдун вилояти Лайян шахридан ташқари)” сўзларига алмаптирилсин.

3. Ўзбекистон Республикаси Баш Давлат ветеринария инспекторининг 2023 йил 3 февралдаги 01/19-02-сон қарорининг 1-банди қўйидаги таҳирда баён этилсин:

“1. Парранда касалликлари бўйича эпизоотик соғлом бўлган Бразилия, Эстония, Қозогистон ва Эрон давлатларидан ташқари хорижий давлатлардан наслли инкубацион товуқ тухумларини олиб киришга (халқаро транзит бундан мустасно) вақтинча чеклов ўрнатилсан.”.

4. Қорақалпоғистон Республикаси, вилоятлар ва Тошкент шаҳар ҳамда Давлат чегараси ва транспортдаги Баш давлат ветеринария инспекторлари:

ўрнатилган вақтинча чеклов бўйича юқоридаги худудлардан қушлар, паррандалар, парранда гўшти, термик ишловдан ўтмаган барча турдаги парранда маҳсулотлари, наслли инкубацион тухум ва бир кунлик жўжаларни импорт қилиниши устидан қатъий назорат ўрнатсан ҳамда юридик ва жисмоний шахсларга кенг камровли тушунтириш ишлари олиб борсин.

5. Ўзбекистон Республикаси Баш давлат ветеринария инспекторининг 01.06.2023 йил 01/19-06-сон қарори ўз кучини йўқотган деб топилсан.

6. Ишлар бошқармаси (У.Исматов) мазкур қарорни давлат ветеринария хизмати тизимидағи орган ва муассасалар, тегишли вазирлик ва идоралар, корхона ҳамда ташкилотлар, шунингдек мулкчилик шаклидан қатъий назар барча турдаги юридик ва жисмоний шахсларга етказилсан.

7. Мазкур қарор расмий эълон қилинган кундан эътиборан кучга киради.

8. Ушбу қарор ижросини назорат қилиш Ўзбекистон Республикаси Баш давлат ветеринария инспектори ўринбосари А.Акбаров зиммасига юклатилсан.

**Ўзбекистон Республикаси  
Баш давлат ветеринария  
инспектори**

Тошкент ш.,  
2023 йил “30” 11  
01/19 - 08.сон



**Б.Норқобилов**